

مکرمات و احوال

❁ ادبی و سیاسی رسالهٔ اسبوعیه در ❁

۳۱ نجی سنه

۱۹ رجب ۱۳۳۰

❁ پنجشنبه ❁

جلد: ۱۵ - جزو: ۱۵۳



سليم ثالث زمانده انگليزلك استانبوله هجومى

محررى
مورخ دريول

(مابعد عن جزؤ ١٥١)

ايشته (دوقوورط) ايرتسى كوني بو سؤاللى ايراد ايلش و عين زماندهم كنديسنك بك استلافكارانه طاورانديغنى، آرتق عثمانلى فيلوسنك تسليمى، بوغازلردهكى قلاعك تركنى، حتى اولاخ و بغدادكده روسيهيه اعطا و تسليمى ادعا و طلبدن صرف نظر ايلديكنى، و فرانسز سفيرينك تباعدنى و باب على ايلهده انگلتره، روسيه آرمسندم تدافى و تجاوزى بر اتفاق عقدينى كافى كورمچكنى بيلدبرمشدى.

رئيس افندى نهايت رفع نقاب احتراز ايدمرك انگليز سفيرينك بوبيانانه، ممالك عثمانيه نك هيچ بر نقطه سنه هيچ بر انگليزك آياق آتمسى ممكن اوله ميه جنى، چونكه قرمبه چيقيم جق هر انگليزك خلقك غلبان و فورانس معروض قاله جنى، حتى بالنفس ذات شاهانه نك سراى هايونلرى داخلندم بيله اولسه بر انگليزى تبعه مسلمة نك شدت مهاجمه سندن قورتارميه جغنى و اساساً باب عالي نك، انگليز دوخماسى استانبول اوگنده توقفدن صرف نظر ايدمرك چناق قلعه بوغازندن تكرار خارجه چيقيمدنجه هيچ بر مذاكرهده بولنمماغه قطعياً قرار و برديكى جوابى اعطا ايلدى.

فرانس نك اقوقتكى جريده رسميه سى بووقوعاتك صورت گذرانى نقل ايلديكى صرمده رئيس افندى طرفندن انگليزلره و بريلن آنف المال جوابى شو سوزلره توصيف ايليور:

« باب عالیجه اعطای اولنان بو جواب اوق مرتبه لردہ علویت نصا بدر، که
وقتیله روما سناتوسی طرفندن (پیروس ۱۰۱) ویریلن جوابه ممانلدر .
(سباستیان) ایسه « بتون بو ایشلرک کنديسنک انضمام رأی و فکری
و تلقیناتی ایله یاپلدیغنی » علاوه ایتمکده در .

— ۴ —

انکلیزلرک استانبول اوگنندن

رجعت و تباعدی

انکلیز آمیرالی بو جوابی آلتجه غایت شدید بر طاقم تهدیدات ایله
غضبئی اظهار ایدهرک صوگ تقرر لرلنده صرف بر مقصد استلاف ایله
کوستردیکی مساعداتی کری آلدیغنی و ایلمک (اولتیماتومنک) حکمنی تماماً
محافظه ایلمدیکنی بیلدیردی .

بو تبلیغاتی متعاقب (دو قو و رط) باب عالینک نهایت انقیاد ایدمه جکندن
امین بولنیورمش کبی ، کورنمک ایچون ایکی گون دها ، یعنی شباطک ۲۷
و ۲۸ نجی گونلری استانبول اوگنندن آیریلشیدی . حال بو . که انکلیزلرک
بویله بر مقصدله بیله وقت کچیرملری کنیدیملری ایچون پک زیاده باعث تهلمک
ایدی .

[۱] (پیروس) ، یونانستان قدیمده (تپیر) قطعہ سی قرالی اولوب محاربلک ایله
مشهور بر حکمداردر . قبل المیلاد ۳۱۶ سنه سنه طوغری تولد ایش و عهد شبانه
مختلف سرکدشتلر کچیردکن صگره تپیر قرالغنی الد ایتمک موفقی اولمشدر . مؤخرأ
جهانکیرلک سوداسنه دوشهرک ما کدونیا یی ضبط ایش و بعدہ اووقت (یوک یونانستان)
تسمیه اولنان ایثالیاه کچهرک رومالیرلده زیر حکمرانیسنه آلمی ایسته مش ایسه ده
برقاج موفقتدن صگره نهایت رجعته مجبور اولمشدر . کنیدیسی یونان قدیم شعرا سندن
(آشیل) ک نسلندن کلدیکی ادعاسنده ایدی . ۲۷۲ سنه سنه ما کدونیا ده واقع
(آرغوس) شهرینه هجوم ابتدیکی صره ده براختیار قادیبک فیلاتدیغنی کره میدبارجه سی
باشنه اصابت ایدهرک تلف اولمشدر .

نهایت مارتك برنجی كونی انكليز دونماسنك يلكنلرنی آچفه باشلادینى كوردی . كميلرك اوزرندهده بيوك بر فعالیت رونما اولمقده ایدی . برمدت صكره دميرلرده آلدی . دونما بتون طاقيله حركت ايندى . اول باؤل انكليز سفینهلری ، شهرك استقامتنی طوتهرق يواش يواش تقرب ايندى . مع مافیه بطاربهلرك منزله قدر صولمى . عجباً انكليز آميرالى نهایت استانبولى بومباردمان ايتكمى قرار ویرمشدى ؟ شهر خلقنى عظيم بر تلاش و هيجان استیلا ايتمشدى . فرانسه سفارتخانهسى ده اندیشهیه دوشدى . اگر انكليزلر حربه باشلايه جق اولورلرسه احراز غلبه و مظفريت اينجهیه قدر تركلره محافظه جسارت و غیرت ايتديرمك قابل اوله جقمى ایدی ؟ (۱)

دشمن كميلری بر مدت بويله طولاشدقدن صكره اوزاqlاشمغه و آطه لر جوارنده ايلك توقف ايلديكى جهته طوغرى كتمكه باشلادی . يواش يواش سفینهلر كوچولدير . بر آز صكرهده يالگوز ديركلربنك اوحلری كورنمكده ایدی . عجباً ببتون جيقوب كيتكمى ايتيورلر ، يوقسه ده اوزاqlردهمى دمير آتہ جقلمر ؟

حال بوكه چوق كچمدهن انكليز دونماسى كرى دونهرك تكرار شهره تقرب ايندى و آقشامه قدر بو صورته استانبول قارشوسنده وولطه ايدوب

(۱) (دربول) ك ، اثرى بر خيلى تدقيقات جديیه استناد ايدهرك يازدينى و بناء عليه ايجده شايد استفاده بر چوق جهتلر بولندينى قابل انكار اولمامقله برابر استانبول مدافعهسى مناسبيله تركارك احوال و حرركاتى نقل و تعريف ايلديكى صرهده تعبير عاميانه سيله بعضاً (صاچه لاديقنه) ده شبيه ايديله من . چونكه بزلره افراط درجهده قيدسزلى ، رخاوت ، عافيت ناپينك ، عدم دور انديشى قيلندن بر چوق حالاتك اسنادى ممكن بولمقله برابر هر حالده (دربول) ك تصوير و تصوير ايلديكى صورتده جيات و دشمن قارشوسنده آشورى درجهلده ييلغينلىق كپي نقائصك عطى يا تعصبكارانه بر طرفكيرك و يا خود الزامى بر جهالتدن بشقه بر شاييله قابل تاويل اوله ماز .

طوردی . انگلیز آمیرالی عادتاً بومباردمان ایچون مناسب بر وضعیت آریور
کچی کورینوردی . نهایت دونما آقشام اوزری جنوب یولنی طوتدی و غروب
شمس ایله برابر کوزدن نهان اولدی . بودفعه آرتق چناق قلعه یه طوغری
عزیمت ایلدیکنه حکم اولنه بیلوردی .

بتون کیجه اندیشه و هیجان ایچنده کچدی . مارتک ایکنجی کونی صباحی
ایسه بتون استانبول خلقی ساحله ، قلعه لر اوزرینه طولهرق انگلیز دونماسنک
نابدید اولدیغنی مشاهده ایتدیلر . سلیم ثالث دخی ساحله گلشدی . اهالی
پادشاهلرینک اطرافنی آلهرق اظهار آثار شادمانی ایلدولر ؛ ازدیاد شان
وشوکت هایون دعاسنی رفع سماوات ایدیورلردی . سلیم ثالث (سباستیانی) نی
تبریک ایله بو یارلاق موفقیتک باشلیجه شرفی کندیسنه عاید اولدیغنی
سویلشدی . خلاصه شهرده شوق و شادی و تمایلات جنگجویانه صوگ
درجه نی بولمشدی دینله بیلور . عثمانلی دونماسنک مرتبانی ایسه ۳۴ حال انگلیز
کیلرینی تعقیب ایچون عناد و اصراره باشلادیلر . (سباستیانی) بوگا ممانعت ایتمک
ایستدی ، چونکه تدیرسزجه بر حرکت ایله نتایج حاصله ناک اهمیت خللدار
ایدیلک احتمالن دن قورقوردی . حال بو ، که فرانسز سفیرینک نصایح و اخطاراتی
مثمر اولدی .

مرتباتک مدعیانه خلق ده اشتراک ایلدی ، سلیم ثالث یوزینه قارشى
عادتاً علائم سرکشی اظهارینه قدر واردینر . نهایت پادشاه موافقت ایلکه
مجبور اولدی و یکنی قبودان دریا (سیدعلی) باشایه فرار ایتمکده اولان دشمنی
تعقیب ایلسی ایچون امر ویردی . در حال عثمانلی سفینه لری فوراً یلکن
ایدمرک ، استانبول سواحلنه اوشوشمش اولان بیگلرجه خلقک آوازه
تشییع و تشویق آرمسند چناق قلعه استقامتنی طوتدی .

فراری انگلیز دونماسندن آنحق اوج کون صکره یعنی مارتک دردنجی
کونی خبر آله بیلدی ، که بو خبری ده کلیولی فرانسز قونسلوسی (میشن)

كوندرمشدى . مارتاك ايكنجى كوني بعدالظهر ساعت اوچ راده لرنده كليولى منازى لرينك برندن اون اوچ قطعه حرب سفينه سنك تقرب ايتديكى كورلشدى . بوكمير ساعت بش راده لرينه طوغرى (نعره) ايله (لامپساق) يعنى (لاپسكى) آره سنده توقف ايده رك دميرلدير . مارتاك اوچنجى كوني صباحى اميرال سفينه سى دميرنى آلارق بوغازه داخل اولدى وساعت طقوز راده لرنده ايلك عثمانلى بطاريه سنك حذاسنه كلدى .

عثمانلى طوبجىلىرى كمينك اوزرينه درحال شديد بر آتش آجديلر . بو دفعه افراد عسكرىه زياده سيله محافظه اعتدال دم ايده رك طوبلرني غيرت وانتظام ايله اداره ميه موفق اولديلر . هيچ بر طوب نه برندن اوينسادى نه ده ترك ايدلدى . بوسايه ده مرميلرك چوغى ده هدفه اصابت ايلشدى .

(ويندسور - قاستل) سفينه سنك بيوك ديركنه سكر يوز ليبره ثقلتنده وايكى قدم قطرنده بيوك بر مرمى اصابت ايده رك ديركك درنده اوچنى قوياروب آتدى . انكېزلر بوبيوك سفينه لرينى پك زياده مشكلات ايله تخلص ايد* بيلديلر . (آقتيو) فرقتينده (۵۶۰) ليبره لك بر بشقه كوله اصابت ايلدى . (رويال - جورج) سفينه سنك ده كوكرته سى غرايتدن معمول آفر بر مرمى ايله بر خيلى خساره اوفرادى .

(مابعدى وار)

